

Հ. ԷԼԶԻԲԵԿՅԱՆ

ՎԱՍՊՈՒՐԱԿԱՆԻ ԳԱՅԵՐԸ ՄԻՋԱԳԵՏՔՈՒՄ ԵՎ ՆՐԱՆՑ ՎԵՐԱԴԱՐՁԸ ՍՈՎԵՏԱԿԱՆ ԳԱՅԱՆՏԱՆ

Առաջնատիպ. Հայկական ՍՍՌ Գիտությունների Ակադեմիայի
1949 թ. № 2 «Տեղեկագրից»

9(47.925)

57234

5-29

5-29 5 Sept 1942, L.

Chenopodium pulchellum Nutt. Sp. Pl.
atlantica. In repens. Epiphyllum

[illegible]

12/11/58

9/55

18

4. Իշխրեկյառ

ՎԱՍՊՈՒՐԱԿԱՆԻ ՀԱՅԵՐԸ ՄԻՋԱԳԵՏՔՈՒՄ ԵՎ ՆՐԱՆՑ ՎԵՐԱԴԱՐՁԸ
ՍՈՎԵՏԱԿԱՆ ՀԱՅԱՍՏԱՆ

Առաջին համաշխարհային պատերազմի տարիներին հայ ժողովուրդը ապրեց իր պատմության ամենաուղբերգական էջերից մեկը: Այդ տարիներին թուրքական կառավարությունը կանխորհն մշակված ծրագրով, բարբարոսաբար ոչնչացրեց Արևմտյան Հայաստանում և Թուրքիայի այլ վայրերում ապրող հայերին: Կաշվերական Գերմանիան, որի դաշնակիցն էր Թուրքիան, իր հովանավորության տակ առավ թուրքական կառավարության այդ ջարդարար քաղաքականությունը:

Արևմտահայերի մի փոքր մասին հաջողվեց ազատվել ջարդերից և անցնել Անդրկովկաս, գլխավորապես Նրեանյան նահանգը: Դրանք մեծ մասամբ վասպուրականի, էրզրումի, ապա Տրապիզոնի կողմերից գաղթված հայերն էին:

Նրբ պատերազմի ընթացքում ռուսական բանակը մտավ Արևմտյան Հայաստանի խորքերը՝ նրանք հետզհետե սկսեցին վերադառնալ իրենց հայրենիքը: Քանի դեռ շարունակվում էր պատերազմը՝ վերադարձը մասսայական բնույթ չէր կարող կրել, ուստի և վերադարձածների թիվը մեծ չէր: 1918 թ. սկզբին նրանք ստիպված հյանք թողնել իրենց հայրենի վայրերն ու ուրից անցնել Անդրկովկաս, Կովկասյան ռազմաճակատի զինվորների տուն վերադառնալու կապակցությամբ, որը հետևանք էր անդրկովկասյան կոնտրոլուցիոն պարտիանների վարած հակասովետական քաղաքականության: Անդրկովկասն եկան Նրզնիա, էրզրում և Արևմտյան Հայաստանի ուրիշ վայրերը վերադարձած արևմտահայերը:

Չկարողացան վերադառնալ վասպուրականցիները, նրանք ստիպված եղան վասպուրականից դնալ Պարսկաստան (Իրան), որտեղից փորձեցին պարսկական Ադրբեջանի խոշ դավառի վրալով անցնել Անդրկովկաս, սակայն այդ էլ չհաջողվեց նրանց և Անդրկովկաս անցնելու փոխարեն նրանք՝ մեծ զրկանքներ կրելով ու բազմաթիվ զոհեր տալով, ստիպված եղան դնալ Միջագետք, ուր անգլիական իշխանությունների հսկողության տակ մնացին մինչև 1922 թ., երբ վերջի վերջո, շնորհիվ Սովետական Հայաստանի և Ռուսաստանի կառավարությունների ձեռք առած միջոցների, նրանք վերջապես կարողացան վերադառնալ հայրենիք:

Առաջին համաշխարհային պատերազմի ժամանակ ռուսական բանակը 1915 թ. մայիս ամսին վերցրեց վանք: Սակայն նույն թվի հուլիսին նա ստիպված եղավ թողնել այն: Այդ կապակցությամբ տեղի ունեցավ վասպուրականցիների ծանր նահանջը զեպի Անդրկովկաս: Վանք թողնելուց մի երկու օր հետո ռուսական բանակը կրկին մտավ քաղաք: 1915 թ. վերջերից, մանավանդ 1916 թ. սկսած, վասպուրականցիները սկսեցին հետզհետե վերադառնալ հայրենիք: 2—2

նալ հայրենիքի վերադարձածների թիվը թիշ էր— 1918 թ. սկզբին հասնում էր մոտ 25 հազարի: Պատճառը, ինչպես արդեն մենք նշել ենք, շարունակվող պատերազմն էր: Վերադարձածները ղլխավորապես ապրում էին Ռիմարի, Արհալի, Հայոց-Չորի շրջաններում և Վանում: Նրանք ետուն կերպով կպել էին աշխատանքի— վերաշինում էին իրենց բանդված օջախները, վարում էին և ցանում: 1917 թ. բերքը առատ էր և նրանք իրենց նյութապես ավելի ապահով էին ղգում, քան Անդրկովկասում գտնված ժամանակ:

Սակայն դրովժունը փոխվում է Կովկասյան ռազմաճակատից ոտուական բանակի վերադառնալուց հետո: Օգտվելով այդ հանգամանքից, թուրքական բանակը 1918 թ. սկզբին անցնում է հարձակման և փետրվար ամսին վերցնում Էրզնկան, Բալքուրդը, Մամախաթունը, իսկ մարտի 1-ին՝ Էրզրումը: Այսպես կոշված հայկական ազգային զորամասերը, որոնց կազմակերպում էր կոմսորոնոուցիոն հայկական ազգային խորհուրդը, ի վիճակի չեղան կանգնեցնել թուրքերի առաջխաղացումը: Թուրքական զորքերի կողմից վերոհիշյալ գրավված վայրերում ապրող փոքրաթիվ արևմտահայերը կարողանում են ժամանակին հեռանալ ղեպի Անդրկովկաս:

Էրզրումի անկումից հետո թուրքական զորքերը առաջ են շարժվում նաև Վանի ուղղությամբ: Անհրաժեշտ էր օր առաջ ժողովրդին ստքի հանել և ճամբար ղեկ ղեպի Անդրկովկաս, քանի ղեռ թուրքական զորքերը շէին կտրել ճանապարհը: Բայց այդպես չեղավ: Հայ ժողովրդի ոխերիմ թշնամիների՝ պաշնակների հանցադործ քաղաքականուվյան շնորհիվ վասսուրականցիք ժամանակին չեն նահանջում: Միայն մարտի վերջին քերին է սկսվում նահանջը, երբ այլևս Անդրկովկաս անցնել հնարավոր չէր, որովհետև թուրքական զորքերը արդեն կտրել էին Վան—Արճեշ—Բերկրի—Բալաղետ—Իզդիր ճանապարհը: Վասսուրականցիներին շատ թանկ նստեց պաշնակների այդ ավանտյուրիստական քաղաքականուվյունը:

Թուրքերը Վանի վրա հարձակվեցին երկու ուղղությամբ՝ Վանա լճի հյուսիսային և հարավային կողմերից: Առաջանալով հյուսիսային ուղղությամբ, նրանք 1918 թ. մարտի 24-ին գրավում են Արճեշը: Հարավային կողմից հարձակվում են Ոստան մեծ գյուղի ուղղությամբ: Ապրիլի առաջին օրերին գրավում են Վանը: Անդրկովկաս կարողացան անցնել միայն Բերկրի մոտիկ գյուղերի բնակիչները և այն վասսուրականցիները, որոնք, տեսնելով զարդացող ղեպերը, գերադասել էին ժամանակին ճամբար ընկնել: Այս ղեպերի մասնակիցների պատմածների համաձայն Անդրկովկաս անցածների թիվը թիշ էր՝ հինգ հազարից ոչ ավելի:

Բերկրի—Բալաղետ—Իզդիր ճանապարհը թուրքական զորքերի կողմից կտրված լինելու պատճառով վասսուրականցիները ստիպված են լինում նահանջել Պարսկաստան: Համաձայն մասնակիցների պատմածների՝ նահանջողների թիվն էր մոտ 17 հազար հոգի: Երեք հազար հոգի չկարողացան նահանջել և պատսպարվեցին կիմ կղզում: Վանի վալին, հայտնի դահիճ Ջեվդետ-բեյը, Վանը վերցնելուց հետո տեղից տեղ փոխադրելով, վերջ ի վերջո կոտորում է այդ երեք հազար հայերին:

Պարսկաստան նահանջող վասսուրականցիները ցանկանում էին Խոյի վրայով անցնել Անդրկովկաս: Պարսկաստանի սահմանը հասնելուն պես նրանք Ղոթուրից դիմում են Խոյի պարսկական իշխանություններին և թուլություն խնդրում Պարսկաստան անցնելու համար: Սակայն պարսկական

իշխանությունները դեմ լինելով դրան՝ շեն պատասխանում դիմումին: Սպասել, նահանջողները չէին կարող, որովհետև նախ՝ վախենում են, որ թուրքական զորքերը կարող են հասնել իրենց և երկրորդ՝ հենց Ղոթուրի մոտ գտնվող մի կիրճում վասպուրականցիք հարձակման են ենթարկվում պարսիկ զինվորների և քրդերի կողմից: Նահանջողները ստիպված են լինում կովի մտնել հարձակվողների դեմ: Վերջ ի վերջո՝ վասպուրականցիները խոշ-չափ վրայով անցնում էին սահմանը և մտնում խոյի հարավ ընկած պարսկական Սալմաստ գավառը, որտեղ և համեմատաբար ավելի ապահով են զգում իրենց: Սահմանն անցնելու ժամանակ նահանջողները մի փոքր մասը կորցնելով ճանապարհը, ընկնում է խոյ: Դրանցից քնիքը վերադարձան Սալմաստ և միացան նահանջողներին:

Սալմաստում և նրա հարեան Ուրմիա գավառում 1918 թ. մարտին կռիվներ էին տեղի ունեցել մի կողմից նեստորական ասորիների, իսկ մյուս կողմից պարսկական տեղական իշխանությունների և քրդերի միջև: Նեստորական ասորիները, մինչև առաջին համաշխարհային պատերազմը, ապրում էին Վանի վիլայեթում, Ջուլամաբրիկի լեռներում: Երբ 1915 թ. դարնանը երիտասարդ թուրքերի կառավարությունն սկսում է արևմտահայերի կոտորածները, նրանք էլ իրենց ապահով չեն զգում և մոտ 40 հազար ասորիներ անցնում են Պարսկաստան ու բնակություն հաստատում Սալմաստ և Ուրմիա գավառներում: Ռուսական բանակը 1918 թ. սկզբին Պարսկաստանից հեռանալուց հետո պարսկական իշխանությունները փորձում են նեստորական ասորիներին հեռացնել Պարսկաստանից: Ասորիները պնդում են ու չեն ենթարկվում պարսկական իշխանությունների կարգադրություններին: Սկսվում են ընդհարումներ ասորիների և պարսկական իշխանությունների միջև: Վերջիններին չի հաջողվում իրավորձել իրենց մտադրությունը ասորիների նկատմամբ: 1918 թ. մարտին հայտնի քուրդ ցեղապետ Սմկոն Սալմաստում սպանում է նեստորական ասորիների հոգևոր առաջնորդ Մար-Շիմոն-Բենյամինին, Կոիվներ են սկսվում ասորիների և քրդերի միջև: Սալմաստի և Ուրմիայի հայերը չեն ուզում մասնակցել այդ կռիվներին, բայց որովհետև Սմկոն ընդհանրապես կռիվ է հայտարարում քրիստոնյաներին, հետևաբար նրանք էլ ստիպված են լինում ինքնապաշտպանությունն ապահովել միանալ ասորիներին: Սմկոն պարտվում է, վերափոխվում և փախչում խոյ:

Սակայն հայերը և ասորիները Սալմաստում և Ուրմիայում իրենց երկար սպասով զգալ չէին կարող: 1918 թ. ապրիլին թուրքական զորքերը մտնում են Պարսկաստան և վերցնում խոյը: Այդպիսով նրանք խորում են նաև Սալմաստից և Ուրմիայից Անդրկովկաս տանող ճանապարհը: Այնուհետև նրանք վերցնում են և Թավրիզը: Սկսվում են կռիվներ մի կողմից թուրքական զորքերի և մյուս կողմից դաշնակների հանցանքով Պարսկաստան ընկած վասպուրականցիների ու տեղական հայերի և ասորիների միջև: Կռիվները տևում են մինչև 1918 թ. հուլիսի առաջին օրերը: Թուրքական զորքերի հրամանատարությունը սիրձում է Սալմաստը և Ուրմիան շրջապատել նեղ օղակի մեջ և ոչնչացնել հայերին ու ասորիներին: Վերջիններս ցույց են տալիս ուժեղ դիմադրություն և թուրքական հրամանատարությունը ի վիճակի չի լինում իրագործել իր մտադրությունը:

Հայերը և ասորիները Անդրկովկաս անցնելու նպատակով որոշում են վերցնել խոյը, բայց այդ նրանց չի հաջողվում: Կորցնելով Անդրկովկաս ընկ-

նեկու իրենց հույսը, նրանք ստիպված են լինում նահանջել ղեպի հարավային Պարսկաստան, ուր գտնվում էին անգլիական զորքերը: Թուրքական զորքերն սկսում են հետապնդել նահանջողներին: Ուսկուդի հնարավորություն տան Ուրմիայի հայերին և ասորիներին միանալ իրենց, նահանջողները հետապնդող թուրքական զորքերին կոպով կանգնեցնում են Ուրմիա գյուղաքաղաքի մոտերը:

Կոնվների ընթացքում թուրքական զորքերի հրամանատարը մի գրովյուն է ուղարկում նահանջողներին, հայտնում է նրանց զաշնակցական կառավարության կազմակերպման մասին և առաջարկում հայերին վերադառնալ Հայաստան, ըստ որում հայերը պիտի վերադառնային խմբերով և անդեն: Վերադարձողների յուրաքանչյուր խումբ պիտի բաղկացած լինե՛ր ոչ ավելի 50 հոգուց, Թուրքական հրամանատարի ծրարում լինում է և զաշնակցական կառավարության ներկայացուցչի նամակը, որն իր հերթին ևս նույն խորհուրդն էր տալիս հայերին: Սակայն հայերը մերժում են այդ առաջարկը, որովհետև ոչ մի երաշխիք չկար, որ Թուրքերը չէին ոչնչացնի փոքրաթիվ խմբերով փոխադրվող անգն հայերին, մասնավորապես, որ նրանց փոխադրումը 50-ական հոգով պիտի ձգձգվեր:

Մերժում ստանալով, թուրքական զորքերը վերսկսում են հարձակումը: Հայերին և ասորիներին հաջողվում է ետ մղել թուրքերին քրդական Ռեանդուզ մեծ գետի կողմը և շարունակել նահանջը ղեպի հարավ: Նահանջողների թիվը մի տվյալի համաձայն հասնում էր մոտ 60 հազարի, Այստեղ կալին հայեր վասպուրականից, խոյից, Սալմաստից և Ուրմիայից, ինչպես և բավական թվով ասորիներ:

Հարավային Պարսկաստանում գտնվող անգլիական զինվորական իշխանությունները ուշադրությունեմ հեատում էին խոյում, Սալմաստում և Ուրմիայում ծավալվող ղեպերին: 1918 թ. հունիսի վերջերին անգլիական մի սավառնակ Ուրմիայում վայրէջք է կատարում նահանջողների մոտ: Սավառնակում գտնվող անգլիական սպան հայտնում է, որ անգլիական առաջադաս-ները գտնվում են Միտան քաղաքում և խորհուրդ է տալիս նահանջողներին գնալ ղեպի հարավ— Սալի-Կալի ու խոտտանում է ռազմամթերք հասցնել նրանց: Ինչպես մենք հիմա կտեսնենք, ուրիշի ձեռքով կրակից շագանակներ հանել սիրող անգլիական իմպերիալիստները նահանջողներին արդեն դիտում էին որպես իրենց զինվորներին:

1918 թ. օգոստոսի առաջին օրերին նահանջողները հասնում են Համադան, բայց քաղաք չեն մտնում: Անգլիացիք նրանց տանում են Համադանից հարավ գտնվող Թեզեքենդ ամալի գյուղը, ուր բոլորին զինաթափում են, բացի նրանցից, որոնք ցանկություն են հայտնում մտնել անգլիական զորքերի շարքերը: Հայերից մոտ հազար հոգի մտնում են անգլիական բանակը: Մտնում են և ասորիներից: Նրկու ամիս նրանց վարժեցնելուց հետո անգլիացիք ուղարկում են կովեյու թուրքերի ղեմ: Մյուսներին փոխադրում են Միջագետք ու աեղավորում Բաղդադից ոչ հեռու, Բարուքի արաբական գյուղաքաղաքի մոտ, Դիալա գետի աջ ափին, հատուկ կազմակերպված ճամբարում:

Թե ինչքան մարդ հասավ Բարուքի՝ դժվար է ճիշտ ասել: Այնտեղ գտնվողները պատմում են, որ 1919 թ. Բարուքեյում գտնվում էին մոտ 10 հազար վասպուրականցիներ, 5—6 հազար հայեր խոյից և Ուրմիայից ու 3 հազար

հուլիսի 1-ին թուրքական իշխանությունների կողմից առաջին համաշխարհային պատերազմի տարիներին դեպի Միջագետք բռնկված արևմտահայերից, Այսպիսով հայերի թիվը հասնում էր 18—19 հազարի։ Ասորիների թիվն էր մոտ 32.000, Բռնորդ ապրում էին վրանների տակ։ Հայերը և ասորիները առանձին էին ապրում։ 25—35 վրաններ մի խումբ էին կազմում, որ ուներ իր ղեկավարը՝ հայ կամ ասորի։ Ղեկավարը միջնորդ էր հանդիսանում անդլիական իշխանությունների և իր հակոռոթյան տակ ապրողների միջև։ Անդլիական իշխանությունները փախստականներին բաց էին թողնում չնչին բանակությամբ մթերք, որով ապրելը հնարավոր չէր։ Ճամբարում ապրողներին արգելվում էր աշխատելու համար Բաքու, Բաղդադ և կամ որևէ այլ վայր գնալ։ Փախստականներին տրվող մթերքի դիմաց անդլիական իշխանությունների կարգադրությամբ տղամարդկանց մի մասը ձրի աշխատում էր երկաթուղու վրա։

Անդլիական իմպերիալիստներն այդ տարիներին դեռ իրենց ամուր չէին զգում Միջագետքում։ Երկրում ուժեղ էր արաբներին պայքարը անդլիական դադուխարանների դեմ։ 1919—1920 թ. թ. Միջագետքում տեղի էին ունենում ուժեղ ելույթներ անդլիական իմպերիալիստների դեմ։ Անդլիական զավթիչները իրենց տիրապետությունն ամրապնդելու համար փորձում են կիրառել իրենց «բաժանիր, որ տիրես» հին քաղաքականությունը և դիմում են հրեշտավոր քաղիք— ցանկանում են իրենց հակոռոթյան տակ զանվող այդ մի բուն հայերին և ասորիներին թողնել Միջագետքում, հապել հուլի հետ, իսկ զենք կրելու ընդունակներին վերցնել անդլիական դադուխային զորքերի շարքերը և այսպիսով հայերին ու ասորիներին հակադրել արաբներին։

1921 թ. վերջերին Սովետական Հայաստանի Բաժնետիր ներկայացուցիչը զեկուցագիր է նստնում Միջագետքում գտնվող փախստականների դրության և նրանց նկատմամբ անդլիական իշխանությունների վարած քաղաքականության մասին։ Զեկուցագրի մեջ նկարագրվում է այն բոլորը, ինչ պատահել է Միջագետք ընկած հայերի հետ 1921 թ. մարտից սկսած։ Փախստականներին Միջագետքում թողնելու, նրանց հուլի հետ կապելու անդլիական ծրագրի մասին, զեկուցագրում ասվում է. «... Անդլիական կառավարության նպատակն է Միջագետքը բրիտանիա տարբերով լցնել, հակակշռի տակ պահելու համար արաբներին բրիտանիա քնակիչների անունից։ Առողջ համար պաղթականներուն կրկին փորձ պիտի լինի ցրելու Միջագետքի մեջ»¹

Ճամբարում ապրողների դրության մասին զեկուցագրում կարդում ենք. «Անդլիական կառավարությունն այս երեք տարվա ընթացքում չթողեց դադախականներին քեմիկն (ճամբարից— Հ. Ե.) հեռանալին։ Գաղտնագրողի փախուղաներ, որոնք Բաղդադ կամ Պասրա գյուղ ճամբարում կերթային՝ հիմ հաջողվելու կառավարության նրանց բռնելու՝ 30 օրվա բանտարկության և տաժանակիր աշխատանքի կենթարկելու։ Եթե չհաջողվելու բռնել՝ ընտանիքներին քեմիկն կվաղեղեր տղամարդկանց կռնելու։ Այս սարսափի տակ դադախականները մնացին քեմիկի մեջ պարսպ՝ առանց դործի, աչք տնկելով կառավարության տված աժ մը ալյուրին»² Նման քաղաքականությամբ անդլիական իշխանությունները ցանկանում էին հուսահատեցնել փախստականներին և կապել նրանց հուլի հետ Միջագետքում։

Դեռ 1920 թ. ապրիլին անդլիական իշխանությունները պահանջում են

¹ Հայկական ՍՍԽ Պետ. կենտր. արխիվ, ֆոնդ 31, գործ 40, էջ 1—11։

² Նույն տեղում։

փախստական հայերից, որ կամ դաշնակցական կառավարությունը կարգադրությամբ անի ներդադրի մասին, կամ գաղթականները համաձայնվեն երեք տարի մնալ Միջազգետքում և կապվել հողի հետ: Հայերը չեն համաձայնում և իրենց ցանկությունն են հայտնում, ինչ գնով էլ լինի, վերադառնալ Անդր-կովկաս, անգամ ոտքով Պարսկաստանի վրայով, թեկուզ, ինչպես իրենք էին ասում, «նույնիսկ մահվան գնով»:

Դաշնակցական կառավարությունը չօգնեց հենց իրենց՝ դաշնակների հանցանքով Միջազգետքում տառապող հայերին: Չօգնեց և Պուլի հայկական պատրիարքարանը, որին մի քանի անգամ դիմելին փախստականները: Ինչ վերաբերում է փախստականներին օգնության ցույց տալու ցուցանակի տակ Բաղդադում կազմակերպված կոմիտեին, ապա նա զբաղված էր փախստականների անունով ստացվող գումարները չուրացնելով և վատնելով: Այդ մասին հիշված ղեկուցադրում ասվում է հետևյալը. «Խսկ Միջազգետրի մեր ազգային մարմինները փոխանակ օգտակար լինելու այս գաղթականության, րնդհակառակը՝ միշտ շարիք են հանդիսացել»:

Բաղդադի «Տարադրելոց մարմինը» մեր գաղթականության և որբերի անունով հանդանակություն կատարեց Հնդկաստանի և Զավայի մեջ հանձնիս իր ատենապետ Մարտիրոս Գուլումչյանի և հավաքեց 90.000 ռուպի¹ Հնդկաստանն, 200.000 Ֆրանկ Զավայեն, բացի բացի 6000 ռուպիին չծախսեց այդ գաղթականության վրա (6000 ռուպին կառավարության միջոցով հնդիկ բանվորներից հնամաշ և դործածությունն դադարած լաթեր գնեց, որոնք մասը հետ վերադարձվեց): Որբերի բյուջեն արդեն նդիպատոսի որբախնամեն կստանային: Այդ հակայական դումարը փշաքրին առանց հաշիվ տալու գաղթականության, չնայած քանիցս պահանջվեց այդ²:

Հայերին, ասորիներին և արաբներին միմյանց հակադրելու անդլիական ղիվային քաղաքականության հետեանքով, ինչպես և բեմալականների տգիտացիայի ազդեցության տակ, ապստամբ արաբները, որոնք վերցրել էին Բաքուբեն, 1920 թ. օգոստոսի 10-ից մինչև 18-ը շրջապատում են փախստականների ճամբարը և կովի բռնվում նրանց հետ: Այդ դեպքից հետո փախստականները Բաքուբից փոխադրվում են Բասրայի մոտերքը, հույս ունենալով ծովով փոխադրվել Հայաստան: Սակայն շուտով նրանք լսում են քննալական Թուրքիայի և դաշնակցական Հայաստանի միջև ծագած պատերազմի, ապա՝ թուրքական զորքերի կողմից Կարսի և Ալեքսանդրապոլի գրավման լուրը: Վասպուրականցիներին թվում էր, թե այլևս Հայաստան վերադարձ չկա:

Հայաստանում Սովետական իշխանության հաստատման լուրը լցնում է նրանց սիրտը հայրենիք վերադառնալու հույսով: Այդ ժամանակ Միջազգետքում մնացել էին մեծ մասամբ հայերը: Ասորիները հեռացել և հեռանում էին Պարսկաստանի հարավային մասերը:

1921 թ. մարտ ամսին Միջազգետրի անդլիական իշխանությունները հայտարարում են, որ ապրիլից փախստականներին այլևս նյութական օգնություն ցույց չի տրվելու: «... Անդլիական կառավարության կողմեն,— կարդում ենք արդեն հիշված ղեկուցադրում,— որոշվեց փախստականներին տեղափոխել

¹ Հնդկաստանում գործածվող արծաթե դրամ: 1919 թ. հավասար էր մոտ 80 կոսկով:

² Հայկական ՍՍՏՄ Պետ. կենտր. արխիվ, ֆոնդ 51, գործ 40, էջ 1—11:

եփրատ գետի եզերքին (Բասրայի նահանգի մեջ), երկրագործությունը դրադվելու համար»¹

Անգլիական իշխանությունների հայտարարության համաձայն, փախուստականները երկրագործությամբ դրադվելով, իբր թի հնարավորություն կունենային փող վաստակել և վերադառնալ հայրենիք։ Սակայն, իրականում, անգլիական իմպերիալիստները խաբում էին հայերին, նրանք բոլորովին չէին ցանկանում, որ հայերը վերադառնան հայրենիք։ Անգլիական իշխանությունները հետապնդում էին իրենց նպատակը՝ պահել նրանց Միջագետքում և կապել հողի հետ։ «... Հողին կապելով, — կարգում ենք վեկուցադրում, — մոտավորապես 4—5 տարի նա (գաղթականությունը — Հ. Լ.) պարտավորված պիտի մնար հին։ Օղը շափազանց շող, հսկը երկրագործության համար — դոնե առաջին երկու տարիներու համար — աննպաստ և... ոչ միայն չորս, այլ տաս տարի հետո գաղթականությունը կուպեկ չափաի ունենար իր գրպանը, որպեսզի իր ծախսով հայրենիք փոխադրվեր»²

Հայերը հասկանում են անգլիական իմպերիալիստների այդ հրեշավոր խաղը և վճռականորեն հրաժարվում են ցրվել Միջագետքում ու կապվել հողի հետ։

1921 թ. հուլիսին Միջագետքի անգլիական իշխանությունները սկսում են հեռացնել հայերին ճամբարից։ Ինչպես հայտնում էին Թեհրանից ուղարկված մի թղթակցությունում՝ «Հուլիսի 20-ից անգլիացիների կողմից դադարեցված է մեր դաղթականության տրված մթերքները, ժողովուրդը մատնելով աներևակալ չի տնտեսական ճգնաժամի»։

Սրանով ալ չբավականանալով, նրանք դաղթականության հավաքականությունը միանգամայն անտանելի դարձնելու համար վերցրել են... ջրի խողովակները։ Փորձել են վերցնել նաև վրանները, բայց կին ու երեխաների դառնագին խնդրանքի վրա մի քանի օրով հետաձգվել է այդ»։ Այնուհետև թղթակցությունում ասվում էր, որ անգլիական իմպերիալիստները փախուստականներին «... հետին մտքերով ձգտում են կապել իրենց համար անհարազատ և օտար հողին՝ խեղդելով նրանց մեջ հայրենիք վերադառնալու իդեալը»³

Ստեղծված դրության սրաժանով փախուստականներն սկսում են հեռանալ ճամբարից։ «Գաղթականությունը, — ասվում է արդեն մեզ ծանոթ ղեկուցադրում, — սկսեց փախչիլ Բասրա՝ դորձ ճարելու համար, առանց կառավարության թույլտվության։ Սակայն Բասրայի մեջ մեր դաղթականները տեղի լեզուն չի մանալու համար շարաֆներով դես ու գեն կիթափառին հուսադատ... և քեմի կվերադառնան։ Գործի կրոնվին միայն 10—15 տարեկան երեխաները՝ տրաքների և քրիստոնյաների մեջ...»⁴

Օգոստոս ամսին Միջագետքի անգլիական քարձր կոմիսարի կողմից մի գեղապետ է դադիս ճամբար՝ փախուստականների հարցը լուծելու համար։ Գրեհապետն առաջարկում է փախուստականներին աշխատել Բասրայի շրջանում։ Փախուստականները հայտնում են, որ իրենք չեն ցանկանում ծանրանալ անգլիական կառավարության վրա, որ պատրաստ են աշխատելու կառավարության կողմից առաջարկված աշխատանքում, բայց չեն ցրվելու Միջագետքում

¹ Հայկական ՍՍԽ Պետ. կենտր. արխիվ, ֆոնդ 51, գործ 40 էջ 1—11

² Նույն տեղում։

³ «Խորհրդային Հայաստան», № 201, 1921 թ., 21 հոկտեմբերի

⁴ Հայկական ՍՍԽ Պետ. կենտր. արխիվ, ֆոնդ 51, գործ 40, էջ 1—11

և աշխատանքը պիտի լինի ժամանակավոր, որովհետև նրանք վերադառնալու են հայրենիք: Իմանալով փախստականների ցանկությունը, գնդապետը վերջնական պատասխան չտալով՝ վերադառնում և իր կողմից մի երկու օրից հետո ուղարկում է մի ուրիշ ղինվորականի, որը ճամբար գալով, կրկին առաջարկում է փախստականներին աշխատել Միջագետքի զանազան վայրերում: Փախստականները նույն պատասխանն են տալիս, ինչ տվել էին զնդապետին: Անգլիական զինվորականը փորձում է հուսահատեցնել փախստականներին, պրովոկացիոն հարտարարություն անելով, ինչպես այդ իմանում ենք ղեկուցադրից, որ «ձեր հայրենիքն հույսը կտրեցեք հիմալու հիմա» և «պետք է գաղթականությունը ցրվի Միջագետքի մեջ, բայց Բասրայի շրջան կաշխատենք տեղավորացնել»:

Այս բոլորի հետևանքով «գաղթականությունը,— ասվում է ղեկուցագրում,— ծայր աստիճան հուսահատության մատնվեց... Շատերն իրենց ընտանիքներն առին և քեմիկեն հողացան Բասրա և այլ տեղեր ապրելու (ասոնք արհեստավոր մարդիկ էին՝ ընդամենը ընտանիքներով միասին 4—500 անձ), 500 անձ ճարահատված Մոսուլ ընտրեց գնալ և կառավարությունն անոնց հոն տարավ (սրանք հետո ճամբար են վերադառնում— Հ. Ե.), պարսկահայերը 2000 անձ... ղնացին Բաղդադ, Բաղդադից Պարսկաստան առանց որևէ օժանդակության: Իսկ մնացած 9890 անձ մնացին քեմիի մեջ սոված վիճակի մեջ: Գաղթականությունը մի անգամ կառավարության հայտնած էր, որ «կուզեն մեռնել քեմիի մեջ հավաքական կերպով, քան թե ցրվել Միջագետքում»:²

Այնուհետև անգլիական իշխանությունները վերջնականապես հայտարարում են փախստականներին, որ նրանք պիտի ցրվեն Միջագետքում՝ գնան Բաղդադ: Մոսուլ, Սուլեյմանիե և ուրիշ վայրեր: Անգլիական իշխանությունների այս կարգադրությունը իրենց հաղորդելիս «Ժողովուրդը միաբերան,— իմանում ենք ղեկուցագրից,— աղաղակեց՝ «Մեզ մեր երկիրը տար, հոն մեր եղբայրների կողքին մեռնենք, կամ ապրենք հոն՝ մեր հայրենիքի մեջ»: Այս անգամ կառավարությունը բոլորովին ձեռք բաշեց ժողովուրդը Միջագետք ցրելու ծրագրեն, իսկ գաղթականությունն ալ մնաց իր բախտին»:³

Միջագետքում տառապող հայերը իրենց աղատագրումը իրենց հայրենիքից՝ Սովետական Հայաստանից էին սպասում, եվ նրանք չէին սխալվում: Սովետական Հայաստանի և Սովետական Ռուսաստանի կառավարությունները նրանց օգնության հասան:

1921 թ. հոկտեմբերին Սովետական Հայաստանի կառավարության Արտաքին Գործերի Ժողովրդական Կոմիսար Ա. Մաավյանը դիմեց Անգլիայի Արտաքին Գործերի մինիստր լորդ Քերզոնին մի նոտայով, ուր ասվում էր, որ Սովետական Հայաստանի կառավարությունը ստույգ տեղեկություններ ունի Միջագետքում գտնվող գաղթականության աղետալի դրության մասին, որը հետևանք է անգլիական իշխանությունների կողմից վարած քաղաքականության և որ անհրաժեշտ է կատարել գաղթականության իրձը՝ փոխադրել նրան Բաթումի, որպեսզի Սովետական Հայաստանի կառավարությունը հնարավորություն ունենա տեղավորել նրան իր սահմաններում:³

¹ Հայկական ՍՍԽ Պետ. կենտր. արխիվ. ֆոնդ 51, դործ 40, էջ 1—11:

² Նույն տեղում:

³ Նույն տեղում:

Գաղթականության օգնությունն ցույց տվեց և Սովետական Ռուսաստանի կառավարությունը։ 1921 թ. հոկտեմբերին Սովետական Հայաստանի կառավարությունը խնդրեց Անդրկովկասյան Սովետական Ռեսպուբլիկաներին կից Սովետական Ռուսաստանի ներկայացուցչին՝ որպեսզի վերջինս Սովետական Ռուսաստանի Թեհրանի ներկայացուցչի միջոցով օգնություն ցույց տա Միջագետքից Պարսկաստան անցած փախստականներին։ Սովետական Հայաստանի կառավարության կողմից այդ առթիվ արված դիմումում նկարագրվում էր, թե ինչպես վասպուրականցիք «... վերցնելով իրենց հետ խոյի և Ուրմիայի շրջաններին հայերին և ասորիներին, երկար փութանքներից հետո հասան Բաղդադ, հաղարավոր վերստ ճանապարհը ծածկելով հաղարավոր դիակներով։ Հասնելով Միջագետք, անգլիական իշխանությունները աշխատեցին օգտագործել փախստականներին իրենց նպատակների համար — ղենք կրելու ընդունակներից կաղմակերպեցին հատուկ ջոկատներ արաբներին և թուրքերին հակադրելու համար, իսկ մնացածներին՝ ճանապարհներ անցկացնելու և վերանորոգելու համար։

Այդ փախստականները տեղավորվել էին Բարսիլյում, Ճամբարում, ոչ հեռու Բաղդադից և ամենաժանր պայմաններում ապրեցին մինչև 1920 թ. սեպտեմբերը, որից հետո նրանք տեղափոխվեցին Նահր-էլ-Օմար, Բասրայի մոտ, մտադրվելով ծովով մեկնել Կովկաս, բայց թուրքերի հարձակումը և կարսի ու Ալեքսանդրապոլի դրավումը կանգնեցրին նրանց։

Ամբողջ գաղութը այժմ կազմված է 12 հազար հազույց... Որպեսզի նրանք (փախստականները — Ն. Է.) չմեռնեն սովից՝ հեռանում են Միջագետքից, և անապատներով անցնում հարյուրավոր վերստեր գլխավորապես զեպի Համադան և աջուհետե զեպի Պարսկաստանի խորքերը։

Պարզ է, որ այդ գոթախոտների կեսից ավելին մահվան է դատապարտված այդ ծանր ճանապարհին։

Հայկական ՍՍՌ կառավարությունը խնդրում է Ջեզ ՌՍՖՍՌ Թեհրանի ներկայացուցչի միջոցով որոշ մասնակցություն ցույց տալ նրան՝ Պարսկաստանի հարմար շրջաններում տեղափոխելու գործում, մինչև որ գարնան հնարավոր կլինի նրանց բնակեցնել Հայաստանում»։¹

Այդ օգնությունը նրանց ցույց է տրվում, Պարսկաստան անցած փախստականներն ստանում են նյութական օգնություն ու շին ցրվում Պարսկաստանի մեջ։ Օգնությունն են ստանում և Միջագետքում դանդաղ փախստականները։

Վասպուրականցիք և նրանց միացած ուրիշ հայերը 1922-ին վերադառնում են իրենց հայրենիքը՝ Սովետական Հայաստան և ստանում լճկաններ, գյուղատնտեսական գործիքներ ու կապվում հուլի հետ, փոխանակ մնալու Միջագետքում, ինչպես այդ ցանկանում էին անհլ անգլիական իմպերիալիստները։

Միջագետքից վերադարձածները առաջիններն էին այն բազմահազար հայերից, որոնք դեգերում էին օտար հորիզոնների տակ։ Վերադարձը շարունակվեց և հաջորդ տարիներին։ Շնորհիվ ՍՍՌ Միության կառավարության կողմից

¹ Այդ մասին տես Հայկական ՍՍՌ Պետ. կենտր. արխիվ, ֆոնդ 4—114, գործ 16, ք. 89։

ձեռք առնված միջոցառումներին, 1946 թ. հետո Սովետական Հայաստանի կանադական հաղարավոր հայեր: Իրագործվեց օտարության մեջ տառապող հայերի իղձը՝ ապրել ու աշխատել իրենց հայրենիքում: Ա... Սովետական Հայաստան վերադարձող արտասահմանյան հայերս, — պրոմ էին վերադարձողները հայ ժողովրդի լավագույն բարեկամ ընկեր Ի. Վ. Ստալինին, — հայտնում ենք Ձեզ, մեծ մարդասերիզ, մեր խորին երախտագիտությունն այն բանի համար, որ Դուք հնարավոր դարձրիք մալր հայրենիք՝ Սովետական Հայաստան վերադառնալու վերաբերյալ օտարության մեջ ապրող հայերիս վաղուցվա իղձերի իրագործումը»:



A II 33361

22234

ԳԱԱ Հիմնարար Գիտ. Գրադ.



220033361

(204)

